

Ўзбекистон Республикаси Мустақиллик куни  
— 1991 йил 1 сентябрдан чиқа бошлаган

ПАНШАНБА КУНЛАРИ ЧИҚАДИ

1996 йил март — апрел

ЎЗБЕКИСТОН РЕСПУБЛИКАСИ БОЛАЛАР ЖАМГАРМАСИ ВА «СОГЛОМ АВЛОД УЧУН» ХАЛҚАРО ХАЙРИЯ ЖАМГАРМАСИ ҲАФТАЛИГИ

Баҳоси эркин нарҳда

## Ўзбекистон Республикаси Президентининг Фармони ИШ ҲАҚИ, ПЕНСИЯЛАР ВА СТИПЕНДИЯЛАРНИНГ МИҚДОРЛАРИНИ ОШИРИШ ТЎҒРИСИДА

Республика аҳолисини ижтимоий муҳофаза қилишни таъминлаш мақсадида:

1. 1996 йил 1 апрелдан бошлаб Ўзбекистон Республикасининг ҳудудида:

Иш ҳақининг энг оз миқдори — ойига 400 сум;

Меҳнат пенсиясининг энг оз миқдори — ойига 900 сум;

Фуқароларнинг солиққа тортилмайдиган даромади энг оз миқдори — ойига 550 сум;

ягона тариф сеткаси бўйича бошлангич (нулинчи) разряднинг энг оз миқдори — ойига 550 сум миқдорида белгилансин.

2. 1996 йилнинг 1 апрелидан бюджет муассасалари ва ташкилотлари ходимларининг

иш ҳақи, барча турдаги пенсиялар, олий ўқув юрталари талабалари, урта махсус ва ҳунар-техника билим юрталари ўқувчилари стипендияларининг миқдорлари ўрта ҳисобда 1,4 баравар оширилсин.

3. 1996 йил 1 апрелдан қуйидагилар белгилаб қўйилсин:

— болалигидан ногиронлар учун нафақалар миқдори ойига 900 сум;

— зарур иш стажига эга бўлмаган кекса ва меҳнатга қобилиятсиз фуқаролар учун нафақалар миқдори ойига 550 сум.

4. Иш ҳақиға устама ва қўшимча ҳақларнинг барча турлари, шунингдек, болали оилаларга нафақалар ҳамда энг оз иш ҳақиға

нисбатан белгиланган бошқа тўловлар ушбу Фармонда кўрсатилган энг оз иш ҳақи миқдори асосида 1996 йил 1 апрелидан бошлаб амалга оширилади.

5. Ўзбекистон Республикаси Ижтимоий таъминот вазирлиги, Меҳнат вазирлиги, бюджетдан пул билан таъминланадиган вазирликлар, идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, ташкилотлар ва муассасалар мазкур Фармон қоидаларига асосланиб ҳамда 1996 йил 1 апрелдан жорий этиладиган меҳнатга ҳақ тулаш ягона тариф сеткасини ҳисобга олган ҳолда пенсиялар, нафақалар, стипендияларнинг ва ходимлар мансаб маошларининг

миқдорлари ўз вақтида қайта ҳисоблаб чиқилишини таъминласинлар.

6. Бюджет муассасалари ва ташкилотлари ходимларининг иш ҳақини, пенсиялар, нафақалар ва стипендиялар миқдорини ошириш билан боғлиқ харажатлар республика давлат бюджети ва ижтимоий сугурта фонди ҳисобидан қоплансин.

7. Хужалик ҳисобидаги корхоналар ва ташкилотлар иш ҳақини ишлаб чиқариш самарадорлигини ошириш ва меҳнат харажат-

ларини пасайтириш ҳисобидан меҳнат ҳақи фонди доирасида оширсинлар ва бундан мазкур Фармон билан белгиланган энг оз иш ҳақи кўпайтирилишини таъминласинлар.

8. Ўзбекистон Республикаси Президентининг 1995 йил 16 августдаги 1213-сонли Фармони (8-банди бундан мустасно) ўз кучини йўқотган деб ҳисоблансин.

9. Вазирлар Маҳкамаси ушбу Фармоннинг бажарилишини назорат қилишни таъминласин.

Ўзбекистон Республикаси Президенти

Тошкент шаҳри,  
1996 йил 18 март

И. КАРИМОВ



Оббо! Ойим уйда бўлмагандан кейин шуда, дадам овқат қилишнйам билмайди...

У

Ш

Б

3-БЕТ:

ҲАЙКАЛ

ҚЎЯҒАН БҲЛАРДАМ

4-БЕТ:

ҚОРА «БЕЛБОҒ» СОҲИ-  
БАСИ

6- БЕТ:

БҲДБОҚДАН МАҚТУБ КЕЛДЫ:

«ҲҲЛАНҲШНН ВСТА-  
МАЯПМАН... НЕҲА?»

8-БЕТ:

ТОШПҲЛАТ

С ТАЖАНҲННП

О ТЕРЯРМОНН

Н Д

а:



## ЎЗБЕКИСТОН РЕСПУБЛИКАСИ ПРЕЗИДЕНТИНИНГ «ИШ ҲАҚИ, ПЕНСИЯЛАР ВА СТИПЕНДИЯЛАРНИНГ МИҚДОРЛАРИНИ ОШИРИШ ТЎҒРИСИДА»ГИ ФАРМОНИГА ВА ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ «МЕХНАТГА ҲАҚ ТЎЛАШНИНГ ЯГОНА ТАРИФ СЕТКАСИНИ ТАКОМИЛЛАШТИРИШ ТЎҒРИСИДА»ГИ ҚАРОРИГА ШАРҲ

Одамларнинг фаровонлигини ошириш, аҳолини ишончи ижтимоий ҳимоя қилишни таъминлаш масалалари давлатимиз бошлиги ва ҳукуматнинг доимий эътиборида бўлиб келмоқда. Ўзбекистон Республикаси Президентининг мазкур Фармони ва Вазирлар Маҳкамасининг қарори бунинг далилидир.

Президент Фармони билан 1996 йил 1 апрелдан бошлаб энг кам иш ҳақи миқдори 250 сумдан 400 сумгача оширилмоқда, бунда бюджет муассасалари ва ташкилотларнинг ходимлари иш ҳақини ўртача 1,4 баравар ошириш мўлжалланмоқда.

Шунингдек, барча турдаги пенсиялар, олий ўқув юрталари талабалари, техникумлар ва ҳунар-техника билим юрталари ўқувчилари стипендияларининг ўртача миқдори 1,4 баравар оширилмоқда.

Агар бугунги кунда меҳнат пенсиясининг энг кам миқдори 645 сумни ташкил этса, 1 апрелдан бошлаб у 900 сумга етди, яъни 255 сум қўшилади. Худди шунингдек — болаликдан ногиронларга бериладиган нафақалар 900 сумгача оширилади. Зарур иш стажига эга бўлмаган кекса ва меҳнатга қобилиятсиз фуқароларга бериладиган нафақа миқдори 400 сумдан 550 сумгача кўпаяди. Олий ўқув юрталари талабалари стипендиялари ўртача 560 сумдан 790 сумгача, техникумлар ва коллежларнинг ўқувчилари стипендиялари эса 530 сумдан 750 сумгача ошади.

Усиб келаятган авлодни тарбиялаш билан боғлиқ туловлар

миқдори ошмоқда. Масалан, бола 2 ёшга тулганга қадар уни парвариш қилиш учун оналарга бериладиган нафақалар 250 сумга ошади ва 600 сумни ташкил этади, 16 ёшгача бўлган боласи бор оилаларга бериладиган нафақалар миқдори 2,2 баравар ошади ва 400 сумни ташкил этади.

Иш ҳақи ошиши билан бир вақтда фуқароларнинг солиқ солинимайди даражаси миқдори ҳам ойига 400 сумдан 550 сумга ошишини таъкидлаш муҳимдир.

Аҳолини ижтимоий ҳимоя қилиш соҳасида курсатиб утилган чораларни рўйбга чиқариш учун анча пул маблағлари талаб этилади, бу республика давлат бюджетига ва ижтимоий сўғурта жамғармаси маблағлари ҳисобидан таъминланади.

Айни вақтда шуни таъкидлаш зарурки, иқтисодий ислохотларни чуқурлаштириш шароитларида ҳар бир ходим ва унинг оиласининг фаровонлиги биринчи навбатда уларнинг меҳнат фаолияти, ўз малакаси ва касб тайёргарлигини оширишга, меҳнат фаолиятининг янги, янада мураккаб устакларини узлаштиришга интилиши билан белгиланади.

Меҳнатга ҳақ тўлашнинг 22 разрядига асосланган янги ягона тариф сеткаси иш ҳақининг рағбатлантирувчи аҳамиятини кучайтиришга, юқори унумли малакали меҳнатга ундашга йўналтирилгандир. Ягона тариф сеткаси Вазирлар Маҳкамасининг қарори мувофиқ 1996 йил 1 апрелдан бошлаб амалга киритилади.

Ягона тариф сеткаси


Сиз билан бизнинг гапларимизни диққат билан тинглайдиган қақажон қизчаларнинг кўғирчоққа нақадар училигини кузатганмисиз? Алла айтиб ухлатган бўлади, унга атаб кушиқ ҳам айтади:

*Кўғирчоғим Наташа  
Еб куйибди кўп каша,  
Энди нима қиламиз,  
Духтир айтиб келамиз...*

Кушиқ бир пайтлар тўқилиб, қолган, ҳадеб айтилаверди. Фарзандларимиз онгига сингиб кетган. Уйлаб қоламан, нега бу кушиқ Наташага бағишланади? Дейлик, узбекча исмдаги Дурдона, Нодира, Ойгул ёки Дилнозаларга аталмаган?

Шунчаликка борган эканмики, Тошкент уйинчоқлар фабрикасида ишлаб чиқарил-

ган кўғирчоқларда узбекона қиёфадан асар ҳам куринармасди. Уларнинг сочлари олтин ранг, кузлари мовий бўлиб либослари ҳам уришча эди. Истасак-истасак, биз уларни харида қилишга, фарзандларимизни овунтиришга, мажбур эдик. Наташага бағишланган кушиқ эса ана шу даврларнинг ма-



Баҳодир ШОЙИМОВ сурати.

## «БИЗНИНГ КЎҒИРЧОҒИМИЗ БОР»

• Фикр

сули. Ҳар бир халқнинг ўз кўғирчоғи бўлганидек, ривожланган давлатлардан бири АҚШда ишлаб чиқарилган машҳур «Барби» кўғирчоғида бошдан оёқ инглиз аёлига хос белгилар кузга ташланади. Нова, тик қомат, кукиштоб кузларида порлаган маъно кишини уйга толдиради. «Барби» ниҳоятда пишиқ ва сифатли ишланган.

Бизнинг атлас либосдаги кўғирчоқлар қачон қизчаларимизнинг қулига бориб тегади, овунчоқ вазифини утайди? Қачон уларга бағишланган кўғирчоқлар тўқилади? Ахир узбекона қиёфадаги кўғирчоқлар миллий руҳини, миллий тарбияни шундоққина узда акс эттириши билан аҳамиятли эмасми, — деган саволларга жавоб — хушхабарни айтиш мавруди келгандек. «Семург» ҳиссадорлик жамиятига айлантирилган солиқ Тошкент уйинчоқлар фабрикасида Хоразм кўғирчоқларининг дастлабки нусхаси яратилди. Уларнинг бири ёш қиз, иккин-

чиси келинчак курунишида. Уларда хоразм аёлларининг ташқи курунишига, кийинишига хос либосдан тикилган халат. Қулоғида зирак, оёқ қисмида лозим. Бошига кундирилган тиллақош унга шундай қурқ бағишлаб турибдики, юзидаги ҳаё ва ибосурма сурилган кузларига яшириниб тургандек. Қиз келинчак бўлди, энди унинг бош қисми, бўйин атрофи тиллақош урнига ромол билан ўралди, зирақларини бекитди. Қўйлагини устидан барқут халат ташлаб олган келинчакда уятчанлик яширин.

Хоразм кўғирчоқлари дунё юзини кўрди. Бу ҳали эзгу ишнинг бошланишидир. Шу тарихи Тошкент, Самарқанд, Қашқадарё, Сурхондарё, Фарғона, Андижон Наманганнинг кўғирчоқлари ҳам яратилишига ҳаракат бошланди. Узбек аёлига хос миллий қиёфа акс этган кўғирчоқлар аслида аллақачонлар дунё юзини кўриши керак эди. Ҳарна ҳечдан кура кеч бўлса-да

рядга тўғри келса ҳам, 468 сумга кўпаяди ва 1356 сумни ташкил этади.

Энг кам иш ҳақи кўпайиши муносабати билан илгари белгиланган барча қўшимча ҳақ ва устамалар ҳам ошади. Масалан, уша ўқитувчи дафтар текширганлик, синф раҳбарлиги, ўқув хонасига мудирлик қилганлик учун оладиган қўшимча ҳақ миқдори ҳаммаси бўлиб 220 сумга кўпаяди. Шундай қилиб, ушбу ўқитувчининг иш ҳақи қўшимча туловларни ҳисобга олган ҳолда 1576 сумни ташкил этади.

Турлича малакага эга бўлган ишчиларнинг тариф ставкалари ўртасидаги фарқ сезиларли равишда ошди. Масалан, саккизинчи разрядли юқори малакали ишчи билан биринчи разрядли ишчининг тариф ставкаси ўртасидаги фарқ 172 сумни ташкил этар эди. Эндиликда у 510 сумгача кўпаяди ёки деярли 3 баравар ошади. Бу ўз навбатида ишчиларни ўз малакасини оширишга ва мураккаброқ меҳнатни эгаллашга интилишини рағбатлантиради.

Бюджет ташкилотлари учун мажбурий ҳисобланган янги тариф сеткаси мулкчиликнинг барча шаклларидаги корхоналар ва ташкилотларда ҳам жорий этиш учун тавсия этилади.

яратилди-ку.

Кулингиздаги ана шу кўғирчоқларнинг яратиши учун роппа-роса уч ой вақт кетди, — дейди «Семург» ҳиссадорлик жамиятининг директори муовини Бахтиёр Иноғомов. — Фабрикада ижодий лаборатория очдик. Ҳар бир вилоятдаги аёлларнинг ташқи курунишидан тортиб, кийим ва юз бичимлари, яшаш тарзлари ҳам фарқ қилади. Биз ана шу маънода ҳар бир вилоятнинг кўғирчоқларини яратишга келишдик. Яқин орада «Тошкент» кўғирчоғи вужудга келади.

Узбек қизларига хос бўлган кўғирчоқларнинг сифати қандай экан, дея савол беришнинг мумкин. Сифати аъло даражада, вазни ҳам салмоқли. Негадир улар халқимизнинг нозиктаб шоиралари Нодира ва Увайсий, Маҳзуна ва Анбар Отинларни эслатади. Либосларидан ифтор таралиб турибди.

Уни куйинг, буни куйинг, баралла айтсак бўлади: энди бизнинг ўз кўғирчоқларимиз бор. Фақат улар кўпроқ ва мумкин қадар тезроқ ишлаб чиқарилиб, савдо дуконларига чиқарилсин! Фарзандларимизга шодлик улашин!

Ҳулқар ТҶИМАНОВА

МУАССИСЛАРИМИЗ  
ФАОЛИЯТИДАН

## БОЛАЛАР — БИЗНИНГ БАХТИМИЗ

Болалар ҳар бир оиланинг чироғи, файзи ва бахтидир. Улар доимо меҳрга, яхши сўзга интиладилар. Қорақалпоғистон Республикаси Болалар жамғармаси бу мақсад йўлида бир қанча эзгу ишларни амалга оширмоқда.

Яқинда жамғарма аъзолари иштирокида ногирон болаларга, кам таъминланган оилаларга, мактаб-интернат, болалар уйлари тарбияланувчиларига кийим-кечаклар, озиқ-овқатлар ва турли совғалар қарқатилди.

\*\*\*

Наврўз байрами арафасида Бухоро вилояти болалар жамғармаси ташаббуси билан ногирон ва кам таъминланган оилалардаги болаларга 30 минг сумлик оёқ кийими, 20 минг сумлик кийимбош тақдим этилди.

Бухоро шаҳар кўзи ожиз болалар мактаб-интернатда 12 та боланинг мучал тўйи ва шаҳар болалар уйида 3 та боланинг суннат тўйи ўтказилди. Шаҳар солиқ инспекцияси эса болалар уйига тўёна сифатида кир ювиш машинаси ҳада қилди.

Вилоят болалар жамғармаси қoшидаги «Хужа Исмаи Бухорий» кичик корхонаси эса ногирон болаларнинг соғлигини тиклаш маркази ва вилоят меҳрибонлик уйларида 400 та сочиқ совға қилди.

Яқинда вилоятда болалар жамғармаси болалар ва усмирлар тарбиявий маркази билан биргаликда иқтидорли болаларнинг вилоят анжуманини ўтказди. Анжуманда 500 га яқин болалар қатнашиб, голиблар вилоят болалар жамғармасининг совғалари ва фахрий ёрлиқлари билан тақдирланишди.

\*\*\*

Жиззах шаҳри ва вилоят туманларида «Соғлом виллоят учун» халқаро жамғармасининг таянч пунктлари мунтазам фаолият курсати, иқтисодий кийинчиликларга қарамай имкониятлардан етарлича фойдаланишмоқда.

Жамғарманиннг вилоят бўлинмаси келаятган инсонпарварлик ёрдамларини тақсимлаш, жойларга етказиш ва уларнинг тўғри тақсимланишини доимий назорат қилади. Масалан, утган йил Хитойдан келтирилган инсонпарварлик ёрдами болалар касалхоналарига, оналик ва болаликни муҳофаза қилиш марказига ўз вақтида етказилиб, тақсимланади.

Ҳозирда вилоят бўлинмасининг Баҳмал тумани таянч пунктида шифобахш гиёҳлардан тайёрланадиган ичимликлар билан савдо қиладиган фитобар мунтазам ишлаб турибди. Шунингдек, туман таянч пункти жамоаси 2 та дорихона, 1 та дўкон очиб ва 15 гектар ер олиб, қишлоқ хўжалик маҳсулотларини экишни режалаштирмоқда.

Ўз мухбиримиз

Оламда гап кўп

## МУШТУМЗЎР ҚИЗЛАР

Гимнастикачи қизларнинг Барселона шаҳрида ўтказилган халқаро мусобақаси мушталашу билан якунланди. Кутилмаганда мусобақада қатнашаётган испан, румин ва болгар қизлари жанжаллашиб, бир-бирларининг сочларини юлиб, юзларини тимдалашга тушиб кетдилар. Полиция жанжалкашлардан уч нафарини ҳибсга олди.



## АСОСИЙ БЕЛГИЛАРИ

(ҳажвия)

Цех бошлигининг хонасига мой доғларидан қорайиб кетган иш кийимидаги киши кирдида, эшикни зичлаб ёпиб гап бошлади:

— Пётр Николаевич, мафия!

— Нималар деяпсан, қанақа мафия? — ҳайрон бўлиб суради цех бошлиги.

— Анигини билмадим, деди кирган киши. — Ҳар ҳолда кун буйи мени кузатиб юришибди.

— Корзухин, балки иссинг бордир, а?

— Йўқ! — эшик томонга қуз қирини ташлаб гапини давом эттирди Корзухин. — Иссингим йўқ.

— Унда оз-моз отиб олгандирсанда?

— Нималар деяпсиз? Биласизку, менинг иш вақтига ичадиган одатим йўқ.

Цех бошлиги асабийлаша бошлади.

— Корзухин, ахир ҳозир оянинг охири бўлса, бунақа булар-булмас гаплар билан бошни қотиргунча ишлаш керак. Сени деб цехимиз мукофотсиз қолса яхши бўлмас дейман, а?

— Мен ҳам шуни айтаманда, угирлаб кетишса тамом, цех мастерсиз қолади.

— Сени ким ҳам угирларди?

— Рақобатчи корхона угирлайдида! Шунинг учун муҳофазачилар бошлигига айтинг, менга қуриқчи қўйсин.

Цех бошлиги асабий ҳолатда столни черта бошлади, сўнг телефонга ёпишди.

— Мени кузатиб юрган одамнинг асосий белгилари, — деди Корзухин илтимоси инобатга олинмаётганидан мамнун қиёфада. — Ёш, янаям тугрироғи, 17-18 ёшлардаги йигитча, жинси шим кийган, бошида чарм шапкаси бор. Сочни кўнғир, юзини сепкил босган.

Бу сузлардан кейин цех бошлиги телефон гушагини ўрнига қўйди ва Корзухинга қараб асабий товушда бақирди:

— Иш вақтида, Корзухин, ҳар хил детектив китобларни ўқиб, булмагур хаёлларга бориб ҳамма-нинг бошини қотиргунча ишлаш керак. Уйлаб топганингичи: «Мафия!» Орқангдан қолмай югуриб юрган уша йигитча янги шогирдинг, мен сенга айтсам...

Эшик секин очилиб, хонага чарм шапка кийган, сепкил юзли, кўнғирсоч йигитча муралади.

## ТТТ ДЕВОРИДАГИ РЕКЛАМА ВА ЭЪЛОНЛАР

Фирма ўз омборидан пул утказиш йули билан ва нақд пулга «Смирнофф», «Петров», «Асланов», «Горбачёв» ва бошқаларни сотади.

\*\*\*

Уттиз йиллик тажрибага эга булган малакали ичувчи ароқ-вино заводида дегустатор бўлиб ишлашни истаиди.

\*\*\*

Утган яшанба куни бозорда виждонимни йўқотдим. Топиб олганлар бўлса, қайтариб беришларини сурайман. Суюнчиси бор.

Қимматой Соттиева.

## ХАНДАЛАР

— Сиз фантастик асарларни ҳам ўқиб турасизми?

— Албатта. Масалан, яқинда ЖЭКка борсам, «Бу йил иссиқ ва совуқ сув таъминотида, лифтни-нг ишида узилшу бузилишлар булмаслигига кафолат берамиз. Маъмурият» деб ёзиб қўйишибди. Узингиз айтинг, бундан ҳам ортиқ фантастика бўлиши мумкинми?

\*\*\*

Ўз ишхонасига кирган Мюллер Штирлицни сейф олдида қуриб жahl билан суради:

— Бу ерда нима қилиб турибсиз?

— Трамвай кутаяпман, бамайлихотир жавоб берди Штирлиц.

Бу жавобни эшитиб Мюллер чиқиб кетди, лекин коридорга бора туриб миясига келган фикрдан бир сапчиб тушди: «Жин урин, менинг кабинетимда трамвайга бало борми?!» У югуриб орқасига қайтди, ammo Штирлиц йўқ эди.

— Оббо, кечкибманку! — деди Мюллер. — Трамвай аллақачон кетиб қолибди.

\*\*\*

Илк учрашува чиққанларида йигит қиздан суради:

— Тугрисини айтинг, менад олдин ҳам бирортасини севганмисиз?

— Тавба, сиз йигитларга ҳайронман. Барчангиз бир хил савол берасизлар-а...

## МУСАХХИХ АДАШГАНДА

- Мукофот кули (пули)
- Айёр труппа (сайёр)
- Совун сайли (қовун)
- Бит кўйлак (чит)
- Пора товуқ (қора)
- Текинқамоқ (тамоқ)
- Тўқмоқ йўл (сўқмоқ)

\*\*\*

«Панасоник» аудиомагнитофони билан «Электроника» магнитофони учрашиб қолишибди.

— Эшитимча, эган сенга янги кассета олиб берган эмиш, шу гап ростми? — суради «Электроника».

— Рост, — жавоб қилди «Панасоник». — Зур кассета экан.

— Менга бир кунга чайнашга бериб тур, — илтимос қилди «Электроника» тамшаниб.

\*\*\*

Бир суварак шитоб билан кетиб бораётса, оёғи осмондан бўлиб типирчилаб ётган бошқа суваракка кузи тушибди.

— Ух-ху, дебди у ётган суваракнинг ёнига бориб. — Брейк данси дейман, а?

— Йўқ, дихлофос, — дермиш наригиси оёғини зурга қимирлатиб.

## КУВНОҚ

### ТОПИШМОҚЛАР

Юмуқ куз билан нима ни куриш мумкин?

(шўл)

Ким (нима) дунёдаги барча тилларда гапира олади?

(юлғаз элў)

\*\*\*

Ер билан осмон уртасида нима бор?

(исқ «визит»)

\*\*\*

Ниманинг қулоғи кўп бўлсаям сира эшитмайди?

(қозон)

## ТТТ ЛУФАТИ

Дима — дим, а?  
Отобрат — отнинг акаси.

Кактус — тусинг қанақа?

Печене — жигар е.

А. РАЗЗОҚОВ.

## САВОЛИ ЎЗИ БИЛАН

— Пуллик автомобиллар тўхташ жойи (Автомобилнинг ҳам пулли ва пулсизлари булар эканда, а?).

\*\*\*

— Хусусий Журавой ошхонаси (Қизиқ, ошхона хусусийми ёки Журавойми?).

\*\*\*

— Дуконимиздаги юмшоқ мебелларга қўл тегизиш тақиқланади (Унда бошқа жойни тегизиш мумкинми?).

Саҳифани Даврон БЕК тайёрлади

## Сўнги устун

### КОПТОКМИ ЁКИ БАЛИҚ?

Дунё океанларида гимнодонт номли балиқ яшайди. Унинг каттароқ балиқлар ва бошқа сув ости йиртқишларидан сақланиш қуроли ҳам узига хос. Гимнодонт бирор хавф сезса, ичига жуда кўп ҳаво ютиб коптоқдек шишади ва сув бетига қалқиб чиқади. Хавф-хатар утиб кетгач, ҳавони чиқариб ташлаб яна сув остига тушиб кетади.

### ШАМОЛ БЎЛМАСА...

Нинабаргли урмонларда дарахтлар шамолни уормаларга ажратиб юборади, натижада хуштак чалгандек овоз чиқади. Шапалоқ баргли дарахтлар эса шамолни кичкина оқимларга бўлади ва шундан шовуллаш келиб чиқади.

### ИМПЕРАТОР ЖАНОБИ ОЛИЙЛАРИ

Антарктиданнинг рамзи ҳисобланмиш пингвинларнинг энг йириги император пингвинлари ҳисобланади. Уларнинг буйи бир метр ва ундан зиёдроқ бўлади, оғирлиги эса 40-50 килограмм келади. Пингвинларнинг бошқа турларидан фарқи равишда император пингвини йилгига биттагина тухум қўйиб, бола очади.

### МАНА СИЗГА СЕВГИ АЗОБИ

«Муҳаббатнинг кузи кўр», деганлари рост экан. Йўқса, Буюк Британиялик Нейлел Уилкс (буйи 2 метр) узидан нақ 81 сантиметр пакана Баверли Рассел хонимни севиб қолармиди!

### ҲИСОБИ ДЎСТ АЙРИЛМА...

АҚШнинг Виржиния штатидаги Клинтвуд шаҳрилик эр-хотин Ралф ва Каролин Камминзлар 1952-1966 йиллар оралигида бешта фарзанд куришади. Қизиги шундаки, фарзандларнинг барчаси турли йилларда бўлсада, бир кунда — 20 февралда дунёга келишган.

### ОГИРИНГИЗНИ ЕНГИЛ ҚИЛАДИ

Дунёдаги энг кучли юк кўтарувчи кранлар Италиянинг «Микопери-7000» юк кемасига ўрнатилган. Буйи 190 метрлик мазкур кран билан 6895 тонна юкни бемалол кўтариш мумкин.

### «АЛЛО, ЭШИТАМАН...»

Бугунги ҳаётимизни телефонсиз тасаввур қилиб бўлмайди. 90 йилларнинг бошларидаги маълумотларга қараганда, АҚШда жами 423 618 919 та телефон тизими аҳоли хизматида булган. Вашингтон шаҳрида эса ҳар бир кишига иккитадан телефон аппарати тўғри келаркан.

### АБАДИЙ МУЗЛИКЛАР

Ер шаридаги бутун қуруқлик майдонининг 11 фоизи муз билан қопланган. Уларнинг умумий оғирлиги тахминан 2, 88 x 10<sup>16</sup> тоннага тенг бўлиб, 99 фоизи Антарктида материгидадир.



### Муассисларимиз:

Ўзбекистон Республикаси болалар жамғармаси ва «Соғлом авлод учун» Халқаро хайрия жамғармаси

### БОШ МУҲАРРИР:

Абдукарим РАҲИМБЕРДИ

Газетамиз беш ҳомийси: Ўзбекистон «Матбуот тарқатиш уюшмаси» ассоциацияси

### МАНЗИЛИМИЗ:

700083, Матбуотчилар кўчаси, 32-уй.

Телефон: 36-54-80  
Алижон САҒАРОВ навбатчилик қилди.  
Обуна индекси — 64654  
Рўйхатга олиш № 33  
Буюртма Г-089 21597 нусхада чоп этилди. Офсет усулида босилди.  
Формати А-3, ҳажми 2 босма табоқ.